


40340

39

部=15

廣西昭忠錄



廣西昭忠錄卷三

列傳

刁汝元

姪槐遠王良彪壻

刁汝元字守恬四川華陽人邑廩生援例選授屏山縣訓導改就府經歷分發廣東擢昌化縣知縣歷署石城吳川茂名感恩等縣有政聲丁祖母憂回籍咸豐元年服闋揀發廣西奉檄克復隆安縣城卽委知縣事署武緣橫州知州二年十二月署永淳縣事時獐賊李七周士雄分踞平朗火煙閣汝元集蘇梁張三村暨灘頭各處團練備守禦法五年土賊梁安邦

廣西昭忠錄

卷三

列傳

一

孫仁廣就撫汝元羈縻之欲借其力以攻李七六年二月廣東廉州官兵攻平朗克之李七遁走潯州時陳開據潯州遂與李合是年冬由貴縣臨橫州七年春正月犯永淳汝元率眾登陴守食盡蘇梁張各村送薯粟不能繼安邦與仁廣知力不敵李暗與合眾請汝元出弗許所調援兵皆不至安邦踰垣入擁之至那壇被害姪槐遠把總王良彪往救安邦執送李七殺之家方姓黃姓張姓相繼死孫之屏逸出流離廣東未幾創發病死汝元著有曾經滄海集城陷燬於火

蕭煊 葉上雄 梁宗敏 周維鑒 夏延齡
妾陳氏附

施沅

黎源

李崇報 梁晉禧 徐敬卿 張賢祿
張家玉 張英才 梁名聲 陳紹聚
馬應光 龐達樑 梁鼎珩 李汝穗
李謀榮 梁名壁附

蕭煊字柳溪福建邵武人由舉人揀選知縣分發廣

西咸豐三年夏知北流縣事時羣盜蜂起所在蹂躪

煊嚴明勤於吏事境內肅然選丁壯習戰守法皆成

勁旅流賊黃亞石黃亞斗謝八黃東桂劉亞鎖單服

凌等先後來犯皆擊卻之四年春陸川賊覃七犯北

流距城西里許地多叢樹煊令營中勿舉火而然香

廣西昭忠錄

卷三

列傳

二

於榛莽處幾徧賊數撲營皆寂然疑有伏宵遁由盤

龍走隆盛回陸川七月覃七糾合施晚賊黨由大容

山間道突至城下環攻四十餘日三十餘戰勢極危

迫城西南隅通衢也商賈駢集屋舍連亘數里羣賊

據之煊偵得賊首所在募敢死士三百人攜火器搗

其巢因縱火夾擊斃者數百人擒獲者又數百人奪

輜重礮械無算賊西遁走鬱林之分界墟乃解圍火

然一晝夜屋盡燬精華亦從此竭矣煊素患足疾至

是乞退父老至省顛留當事者亦不令去於是增修

城垣厚集團練賊累來犯皆不得逞七年正月二十

二日容縣賊范亞音戴九等犯東關敗走入西山越
二日合潯州李文茂並土賊二萬餘四面急攻二十
七夜陷東關繼陷西關退守內城連日雨煊著草屨
指揮泥淖中目盡腫不稍倦衆益勵二月初七日賊
發地礮邑人都司葉上雄震死城崩賊入煊被執自
刎弗殊擁至文廟拘之殺進士梁宗敏舉人周維鑒
執典史施沅與生員夏延齡延齡自縊沅以邏守不
得死煊以指醮血作書密遣人速鄉團來救爲賊覺
擁去容縣五月十九日至五里橋遇害不得其屍妾
陳氏先於城陷日縊於文廟大成殿後柏樹下

廣西昭忠錄

卷三

列傳

三

施沅字吟芷浙江山陰人道光二十六年七月蒞北
流縣典史任時年十九好讀書善楷法謙抑惟謹有
老成之目咸豐初擢府經歷紳民留之未解任去七
年二月初七日城陷與生員夏延齡同被執延齡自
縊賊益防守沅于姓者陷賊中沅心腹人也沅爲書
使于間達巡檢黎源源得悉賊虛實數勝賊于頻往
返賊疑之搜其身得源復沅信遂殺沅瘞於東門古
刹後圍初賊執沅並其妻楊氏一妾一幼女拘之楊
知沅死投女於河而身隨之賊救出欲脅以去楊罵
益厲賊不敢犯乘間逃至鬱林數日生一子克復後

訪得沅瘞處眾釀金爲助歸其喪

黎源字星海廣東香山人咸豐六年冬署北流縣雙威寨巡檢有才能七年春東關之役統率鄉練駐城外與蕭煊爲犄角屢勝賊二月初七日城陷退守隆盛賊三至皆擊却之旋回巡檢任督辦四里六里軍務八年六月署鬱林知州鄒德潤陸川知縣覃遠璉等克復縣城源代理縣事時經亂後城市荒殘源慎守備撫流亡課耕種百廢俱興居民漸安堵十年六月范亞音率衆大至破諸墟時德潤來共守城源出營於旺芝塘之陳家堡誓曰事急矣此次出有進無

廣西昭忠錄

卷三

列傳

四

退守城事諸君善籌之予惟一死以答軍民耳連日戰賊益衆圍數重八月十三日再出戰中礮創甚十四日大呼殺賊而死賊至分裂其屍事後家人弗能歸衆歛資助之事聞與蕭煊梁宗敏等皆卹贈有差入祀昭忠祠同死事之正指揮銜李崇報訓導梁縉禧監生徐敬卿廩生張賢祿生員張家玉張英才梁名聲陳紹聚馬應光龐達樑梁鼎珪李汝穗李謀榮梁名璧皆附焉

孫蒙

志會

倪韶書

孔慶鏞

方思訓

孟如峯

孫蒙字茶耘浙江錢塘人道光乙酉拔貢生朝考以知縣用官福建莆田縣知縣以憂歸服闋改掣廣西歷任上林義甯隆安永淳宣化新寧永福懷集等縣事補臨桂縣知縣擢百色同知補授太平府知府調

廣西昭忠錄

卷三

列傳

五

署柳州府事咸豐五年李文茂陷潯州武宣縣知縣朱爾輔屯努灘禦之右江道黃輔相駐武宣以餉絀撤努灘防兵賊遂陷武宣輔相服毒死六年三月以蒙署右江道事時武宣象州疊陷賊勢猖甚居民驚駭議遷徙以避賊蒙撫慰勸諭誓共死守民心稍定賊屢至皆擊卻之十月文茂悉眾至城下水陸環攻賊砦延亘數十里巡撫勞崇光遣韓鳳率三千人來助守提督惠慶統兵駐六塘與韓鳳前後夾擊賊大潰時眾欲得鳳力咸多其功鳳益驕肆索民捐輸軍餉不饜所欲則擄掠子女道路以目然恃鳳足以禦

賊奉之惟恐不至惠慶約鳳出城同擊賊鳳不聽七年二月十九日賊圍急鳳棄城走自率敢死士二百餘人潰圍出輜重隨後甫及濠賊盡奪之鳳僅以身免城中男婦隨出者數千人賊擄殺過半奪城門入執蒙重其爲人敬禮之蒙大罵賊怒甚肢解破腹挂腑臟於庖厨中有姚體渥者與公同鄉時分道在柳城破被擄會親見之文武官死者十餘員事聞皆議卹建祠以祀加贈蒙太僕寺卿銜志會字子言漢軍鑲紅旗人初官浙江嘉興府通判丁憂歸服闋選授廣西柳州府通判代理泗城府知府咸豐六年六月廣西昭忠錄

卷三

列傳

六

署柳州府事七年二月李文茂陷柳州被執投水死議卹贈道銜

倪韶書字雲亭浙江蕭山人由軍功洊升知縣選授上林縣知縣署馬平縣事城陷被執投水死議卹贈道銜

孔慶鏞字韻函甘肅張掖人由拔貢生中己亥科本省鄉試舉人大挑一等分發廣西補永淳縣知縣署象州知州賊陷象州慶鏞走柳州求援城陷遂及於難

方思訓字式之江西崇仁人以州判分發廣西代理

來賓縣事因赴柳州城陷遂及於難
孟如峯順天固安人援例捐從九品補象州龍門寨
巡檢署馬平縣典史城陷死之

廣西昭忠錄

卷三

列傳

七

宋炳璜

宋炳璜字薌賓湖南常德人由舉人選授廣西岑溪縣知縣咸豐七年二月十八日履任自洪秀全倡亂桂平梧鬱皆岑溪連界伏莽猶滋陳顯良者岑溪賊魁也踞邑之思勞坡坡與城對峙隔一水委權是邑者多託故不之任炳璜奉檄單騎入城次日以行香爲名親至坡相視地勢使人招顯良出顯良疑畏不敢見乃返署榜諭所屬有云本縣未服官與父子兄弟夫婦爲一家旣服官則與爾岑溪縣民爲一家又云爾等苟頑梗不化本縣不愛財亦不愛命不暇爲

廣西昭忠錄

卷三

列傳

八

爾等籌萬全矣諄諄數千言皆愷惻動人顯良亦不顧炳璜謀襲捕之或恐不敵固勸止炳璜奮然曰豈有父母官而養賊害民耶且今受賊逼死生莫保幸而戰勝尙可安全束手隱忍豈丈夫所爲時歲饑故爲禱祀勸糶諸事以示暇使顯良聞之若無意於圖己者忽一日招諭各鄉發倉賑濟集丁壯約數千人率之渡河直至思勞坡賊大亂潰炳璜麾衆突入顯良幾就縛下化村之賊聞警來援繞截官軍之後顯良見援至返戰夾攻練翼炳璜出及河未及渡賊黨易文麒率馬隊追及遂被害四月十二日酉時也文

麒截其首投南城河中水滌涸不流者累日咸驚爲
異死時距履任僅五十有三日耳事後請卹贈知府
銜予祭葬世襲

廣西昭忠錄

卷三

列傳

九

華元超

廖體志
陽煥東

譚立勳
易忠裕

陸雲章
秦楚金

家人余德

柳升附

華元超字鼇峯江蘇金匱人山道光己酉拔貢就職
 選授廣西向武州州判咸豐七年四月署理平樂縣
 事自以閒曹膺民社感激奮發勤於吏事先是流賊
 何四吳聽添萬猪仔萬楓張隴祥等附於沙子街賊
 首楊西安擾掠平樂境會何四吳聽添萬猪仔萬楓
 等被誅楊西安張隴祥收合餘黨就永福土賊廖心
 如於雞石灣時遣散之潮勇多附之共謀復讎四月
 朔竄羅錦墟官兵擊敗之由陽朔之白沙福利墟楓
 廣西昭忠錄 卷三 列傳 十
 木圍繞道平樂五月五日寇沙子街署知府招敬常
 遣經歷魯金藻阨要於龍泉巖自與元超及副將雙
 福署都司陽煥東把總易忠裕前署典史陸雲章教
 授廖體志訓導譚立勳共登陴守初七日賊陷二塘
 初八日薄城下擊以礮稍引去急攻北城別伏悍賊
 由東城梯而登門大啟畢入廖體志譚立勳陸雲章
 陽煥東易忠裕皆被戕賊執元超元超大呼且罵日
 我縣官也可速殺我賊日公來未久何必自苦幽之
 民房甘言進飲食悉擲去潮勇被拘者謀同逃元超
 日城亡與亡逃將焉往數日餓不死賊知終不可屈

擁至較場曰今日成公志元超引頸受及賊壯之瘞
於郊計元超受事至城陷十七日耳幕客秦楚金僕
人余德柳升同日遇害賊退元超同郡吳鎬求其屍
殮諸棺有族人官梧州者貲送其孥以歸事聞元超
與諸死者皆議卹雲章順天昌平人體志立勲煥東
忠裕皆廣西人楚金未詳

羅福杲

羅福杲安徽歙縣人田布政司經歷累官同知直隸州咸豐七年署平樂府知府以積勞病故議卹加贈知府銜

翟景禧

何兆葵

女冬姑附

任秉鈺

韋廷忠

韋啟賢附

翟景禧字子昭浙江山陰人道光己亥舉於鄉庚戌會試挑取臚錄以知縣用揀發廣西歷署思恩天河宜山等縣補融縣知縣咸豐六年十二月由宜山調署賓州甫二月而遇謝秉彝之變秉彝者賓州人候選訓導團練局總也素不法跋扈狠戾與上林團練構怨鬪殺求助於官景禧斥之秉彝怒揚言將先洩忿於官而後逞志於仇七年三月糾諸土賊來攻城

廣西昭忠錄

卷三

列傳

三

景禧亦預爲備飛騎請援兵自與參將鍾慶猷登陴守賊環城下肆焚掠援久弗至糧且盡時柳州慶遠皆陷道阻塞故警報不得達六月二十五日夜半賊穿北門地道入景禧巷戰被執秉彝無死景禧意重其才欲脅以降景禧辱罵秉彝甘言慰藉之景禧有幼女甫七齡詭應曰能父女相聚當唯命秉彝抱女至景禧遽扼其喉衆爭救復錮守乘賊懈自經守者覺斷繩不得死乘間取毒服之題絕命詩於壁賊至毒口深知不能復活爲備冠服輿櫬以俟景禧衣冠向北叩頭入棺臥堅不起促掩蓋加釘賊不忍屢促

之賊以蓋徐俟其氣盡歎惜而去時景禧之姪與
幕友馬姓陷賊中逸出述其情事如此景禧工書畫
能詩其題壁詩曰大限來臨竟有期就中坎窞未先
知城亡空自勞三月巢破何煩覓一枝身伴虎狼魂
伴鬼命如螻蟻氣如絲七齡幼女同遭困父死曾知
悲不悲讀者哀之事聞與何兆葵任秉鈺同建祠賓
州

何兆葵字紫向順天通州人原籍湖北東湖縣由供
事以府經歷分發廣西有吏才精大小篆隸道光三
十年五月署賓州安城鎮巡檢安城狹小兆葵濬濠

廣西昭忠錄

卷三

列傳

古

爲衛削竹作柵環之賊屢攻不得入咸豐七年六月
賓州失守翟景禧被害奉檄代理州事會同千總歐
陽光農戴天生員韋殿邦等招集團練八年四月擒
謝秉彝戮之謝秉伸楊社福逸去十月任秉鈺來署
州事兆葵總辦賓州橫州永淳團務積勞致疾住思
村十二月賓州復陷九年二月賊破思村執兆葵去
秉伸以兄故鬻割之女冬姑年十九以石自碎其頭
而死妻李氏觸石未卽死紳民資送之回籍

任秉鈺字子貞山西崞縣人道光丙午舉於鄉大挑
一等以知縣分發廣西八年十月署賓州事時謝秉

仲楊社福匿於永淳之嶺背秉鈺往剿捷於喬鄧賊竄雞場值上林土賊分破甘村郭村皆近城鄉也秉鈺回守城秉伸已繞及附城之洪嶺截攻戰不勝退未及郭賊擁入守陴者皆逃遂被害十一月初八日也營守備韋廷忠韋啟賢亦戰歿

朱鑑 蘇朝光 陸永謙附

朱鑑大興人原籍浙江以從九分發廣西咸豐六年七月署橫州吏目兼大灘司巡檢七年三月永淳獞賊李七糾潯州賊首梁大口昌犯橫州泊舟伏波灘分水陸兩路將逼城下知州羅定林留鑑與千總蘇朝光外委陸永謙守城自赴西津渡召募丁壯以截伏波灘上流夾擊陸路賊四月初三日賊船驟至城下礮轟城崩朝光戰死永謙傷甚自盡鑑攜鈴記領弓兵林高客民陳五與賊戰被執拘於梁大口昌船乘閒自經賊覺更邏守之重其爲人欲脅以降鑑求廣西昭忠錄 卷三 列傳 六

死不得及陷南甯躍投水中時方漲急賊持救已漂沒矣

招敬常

招敬常字星臺廣東南海人道光乙未舉於鄉戊戌成進士以知縣卽用分發陝西題補興平縣知縣丁憂回籍服闋補授北城兵馬司正指揮報捐同知分發廣西署桂林府龍勝通判歷署昭平賀縣知縣加知府銜咸豐三年

簡放思恩府知府四年調署桂林府十一月委署平樂府事七年五月連義堂賊楊西安糾永福廖心如據沙子街薄郡城敬常率文武官屬登陴守初七日城崩敬常被執不屈賊囚之憤恚成疾卒於荔浦當事廣西昭忠錄卷三列傳十七者不及知奏請褫職後乃得其實如例請卹焉

楊培堃 家人侯煜附

楊培堃字后山安徽霍邱人官廣西州同咸豐六年七月代理上林縣事七年六月賓州賊謝秉彝糾貴縣黃鼎鳳陷州城合土賊李錦貴攻上林培堃遣典史陳世埝赴東關防禦自與把總譚翔鸞居守錦貴導鎬鄒土賊黃元鏐及秉彝等潛由東關僻徑繞襲南城陷之翔鸞自東城馳救世埝自東關來援皆不及擄培堃去知其才且習擊刺脅之降大罵遂被害家人侯煜從之八月初八日也事聞培堃議卹世埝翔鸞以防守不力落職

沈炳垣

沈炳垣字紫卿浙江海鹽人成道光乙巳進士授編修充國史館纂修進日講起居注官右春坊右中允性溫厚簡默與人語謙退若不足至議論天下事輒慷慨義形於色咸豐五年

簡放廣西學政時廣西白洪秀全倡亂盜賊蠭起潯梧思慶南太各府土賊尤繁炳垣奉

命延知好數人宴於家飲次或慮廣西賊亂勸其審機自全者炳垣曰吾此行無自全理已遣家人回鄉與諸君相知有素吾死願以妻子爲託衆謂其言過慰

廣西昭忠錄

卷三

列傳

九

藉之炳垣曰吾有死友願諸君觀之於靴中出短刃示客舉座愕然炳垣從容曰聞廣西賊陷城殺吏吾學使雖無守土責然不能向賊乞活事急自決免辱賊手也座客皆動容有泣下者臨行與家人辭決遂至廣西時各府多以警聞試事不能如期七年春始按試思恩南甯會賊已陷潯州大江梗塞間道由東路至梧州五月艇賊陳開圍梧州環攻三月餘城中食盡繼以糠麩至食草根木皮禦者力竭八月初十日城陷炳垣置火藥一桶於室然香其側計城破香燼然藥自焚賊至火未及然遽擁去初城陷時官民

多有乘亂逃出者梧守陳瑞芝欲使勇丁衛炳垣出
炳垣不顧生員某勸與偕亡炳垣叱曰汝欲陷吾於
不義耶卒不行賊目阿利潤知炳垣爲學使善待之
炳垣求死不得則謂賊曰汝等所爲迫於不得已耳
若能反正自効吾當奏官汝等賊有爲所動者議殺
其渠以應官軍會事洩賊恨炳垣甚肢解之而焚其
屍有勇目某憐炳垣之死也竊藏其遺骨事後首於
官護其喪歸醮之費不受其忠義感人如此炳垣居
官廉明憤賊橫肆郡縣以度支匱乏或坐視賊不能
擊所得考費悉出以助軍需每校士程限甚寬或煦

廣西昭忠錄

卷三

列傳

三

煦與生童語然犯科作僞無能售其欺者當南甯試
畢賊報日數聞官民洶洶咸思走避炳垣倡言於官
紳謂南甯城地險峻居民衆富者挾貲遠走如窮百
姓何願與諸君共死於此又條列守禦法傳諭各團
局守土者以炳垣在不能去力起之行炳垣行二日
而南甯城陷矣論者方幸炳垣之不死於南甯也已
而竟死於梧州事聞追贈內閣學士兼禮部侍郎銜
予祭葬並謚文節入祀京師昭忠祠

敕本籍及死事地方建立專祠子三人引

見長守廉以主事用次用光祿寺署正次用七品小京官

蔣福長 妻張氏 妾周氏附

蔣福長字星垣漢軍鑲白旗人道光三十年以參將
揀發廣西咸豐元年署桂林城守營參將二年二月
金田賊犯省城福長守西門賊屢至皆擊退之奪雲
梯四十餘架於守城功最著事平補融懷營參將履
任後剿喇吧村土賊吳亞四平之三年委署梧州協
副將七年擢補右江鎮總兵未赴任而梧州城陷先
是艇賊陳開圍梧州與官軍久相持糧盡援絕城中
危甚福長謂其妻張曰城破吾必死汝將若何張慷
慨誓以死且請先自裁以絕內顧福長出戰張與妾
周遂自縊福長斂昇堂中置火藥於側初十日城陷
福長縱火自焚死事後議卹予建專祠

賜諡武烈

廣西昭忠錄

卷三

列傳

三

王錫惠 妻妾附

倪濤

王世鏞 子鼎 子觀附

丁端書

楊湘 王協和 張象吉附

王錫惠字蓉圃浙江山陰人入貲選官廣西昭平縣樟木林巡檢攜家之任見賊滋蔓遣子送母歸咸豐六年調蒼梧縣典史倜儻尙氣節人稱廉能時艇賊陳開歐潤梁培友等據潯州陷平南將攻梧州廣西按察使黃鐘音督辦軍務駐府城七年夏賊至戎墟

廣西昭忠錄

卷三

列傳

三

官軍屯三角嘴築礮臺禦之錫惠請曰官兵團練足自守益以麾下驍健不患無兵惟患食少宜運城外積粟入城更截留東鄉之轉販者以固人心未有擁空城而策萬全者宜速爲計鐘音弗從閏五月朔賊船蔽江來發礮擊之不能卻次日犯東較場攻三角嘴斷浮橋踞白鶴山頂分扼富民坊自是郡河糧道絕矣又偏攻牛矢馬頭太平堂六月初五日水陸齊至錫惠啟北門奮擊少卻賊知城中乏食固壘以困官軍廣東援兵至賊半道奪其船潰散而回時署蒼梧知縣彭昌集以勸糶陷於下邳鄉署知府陳瑞芝

出城禦賊於是檄錫惠代理蒼梧縣事助鐘音居守城中糧竭累日不得食潮勇饑而譁錫惠善撫戢之然岌岌之勢人知旦夕亡矣有勸去者謝曰守土之責問心何安死於職守義也或以親老爲請曰前日送回老母正爲今日志早定矣左右偶得粗糲爲飯卻不食謂民餓且死何忍獨飽聞者感激爭相鼓勵至八月守者憊甚不能立初十日北門火延及西城賊攻入錫惠往來督戰潮勇已走散烟焰彌天歸視妻妾飲醕將絕賊驟至舉火盡室自焚事聞贈鹽知事銜蔭一子入監讀書再請加卹得世職

廣西昭忠錄

卷三

列傳

十四

倪濤字小汀順天宛平人原籍浙江道光癸卯舉於鄉甲辰捷進士卽用知縣分發廣西署河池州知州補富川縣知縣五年六月調署臨桂縣事擢鬱林直隸州知州六年十二月署潯州府事七年夏赴任過梧州阻賊不能進署蒼梧知縣彭昌集出城勸糶濤偕往六月二十日至大屋爲羅華觀擄去被害華觀卽昌集招撫土賊也

王世鏞字覺堂江蘇陽湖人官廣東巡檢高廉道黃鐘音擢廣西按察使督兵勦賊檄隨行至梧州委筦理軍裝司會計出納城圍亟有勸之去者謝曰雖無

守土責亦叨一命之榮去固無妨問心何以自安四子隨行揮令去皆不忍城陷世鏞與長子鼎次子觀皆自焚三益四謙逃出城免於難

丁端書字少蘭浙江山陰人由供事議敘縣丞來廣西代理博白縣事卸事回省以平樂道阻留梧州城陷投繯自盡

楊湘初名襄字小枝安徽人入貲爲流外官咸豐四年敘守城功擢縣丞賞六品藍翎七年夏代理岑溪縣事奉檄未卽行從軍梧州王協和字平原陝西人由吏員入仕籍爲武羅鄉巡檢調署藤縣典史因事廣西歸忠錄卷三列傳

留郡城同辦防守事張象吉字星臣甘肅人以從九品官廣西初任柳城縣典史擢縣丞從軍梧州當城圍糧竭斗米百金且不能得象吉殺所乘馬饗士卒一軍義之城陷與楊湘王協和皆被害

黃鐘音

黃鐘音字毅甫四川巴縣人道光辛卯舉於鄉癸巳成進士改庶吉士散館授職編修二十二年由編修補湖廣道監察御史累遷工科掌印給事中截取記名以繁缺道員用二十八年丁母憂回籍服闋補兵科給事中咸豐元年簡放廣東肇羅道二年調補雷瓊道五年九月補廣西按察使辦理潯州軍務六年督辦梧州軍務七年八月初十日陳開陷梧州走戎墟遇害

彭昌集

彭昌集字厚初四川巴縣人道光辛卯舉於鄉由甲辰大挑二等選中江縣訓導有文名輕財利重然諾明幹有才果敢任事而心細於髮條理精密作孝廉時凡川東公事義舉知無不爲爲必委婉曲折以底於成所謂貞固足以幹事也川東五屬人士胥推重之十一上公車不第不得已入貲爲縣令咸豐二年選授武緣縣知縣履任未幾土賊作亂入縣城已而散去被議革職留用四年調署宣化縣事昌集資性明敏有吏才宣化故繁劇值盜賊四起軍事倥傯昌廣西昭忠錄 卷三 列傳 三七集措理裕如著能聲六年調補蒼梧縣知縣七年艇賊陳開犯梧州昌集出鄉徵糧爲土賊羅華觀所害先是華觀就撫衆知其僞昌集信之華觀陰與艇賊相結據下邳爲巢有衆七千餘人時賊將至城中無儲粟昌集親赴下邳說華觀欲收其衆徵粟入城以爲守華觀感其招撫恩迎諸途無害昌集意會知州倪濤偕往華觀殺濤而匿昌集於家艇賊區潤知之就華觀家殺昌集棄屍江中

邵春卿

邵春卿字惠堂奉天甯遠人成道光庚戌進士卽用知縣分發廣西歷署永福平樂臨桂縣事補授天保縣知縣擢同知直隸州補百色同知咸豐六年柳州被圍署右江道張凱嵩請以春卿知柳州府事自慶遠隨凱嵩馳援柳州至二都官軍不利柳州旣陷師退慶遠凱嵩復請以春卿兼署慶遠府事春卿性剛勇以才識著於當道故凱嵩屢薦之七年四月李文茂率水陸數萬衆寇慶遠官軍擊卻之文茂竄融縣糾合柳城羅城土賊勢復熾八月復由天河犯慶遠

廣西昭忠錄

卷三

列傳

三

春卿與署宜山知縣況逢春副將楊廷桂防守天河提督奚應龍與凱嵩守城文茂遣張彪率艇匪潛泊洛黃柳城賊由陸路分進齊至城下圍攻閱二旬餘守卒皆憊春卿慮城陷則賊益不可制乃自天河馳回赴各鄉招集壯丁來援比至已無及憤甚奮臂大呼目眦盡裂先已積勞至是發病越日遂劇日夜哭不絕聲十餘日忽躍起呼負國者再而卒

何浚

何浚字樸村雲南太和人道光戊子舉於鄉己丑成進士卽用知縣分發直隸署任邱縣事補欒城縣知縣丁父憂回籍咸豐二年服闋選授廣西靈川縣知縣旋署柳城馬平縣事七年夏賊陷柳城浚集團各鄉爲守禦計以事赴慶遠府城九月初二日張彪陷慶遠及於難

羅耀南

羅耀南湖南臨武人以知縣分發廣西咸豐八年四月署象州知州隨軍剿修仁賊六月在軍中病故議卹加知府銜

廣西昭忠錄

卷三

列傳

三

謝年豐

謝年豐字鄉池湖南湘鄉人由軍功保升參將隨湘軍至廣西咸豐八年夏湘軍進兵柳州年豐與知府潘家馥副將胡顯高遊擊劉文彬收復柳城進取融縣與陳友勝賀常林等分道擊賊陣斬至四千餘級七月湘軍復慶遠潯州艇賊上竄將及柳州按察使蔣益澧以大軍扼柳州而使年豐與參將蔣益恭陳友勝分剿馬平一都土賊一都地勢平衍歧路紛雜附近村堡陷於賊者幾徧築壘爲巢圍柵堅固年豐駐西路之槎山連破上下竹坡三千等村生擒五百

廣西昭忠錄

卷三

列傳

三

餘人進徧石圍村石圍爲賊中險要悍賊麇聚於此年豐攻之旬日不下憤甚率所部千五百人賫火器襲賊及壘年豐先登火發賊大亂乘勝攻入方馳逐指揮賊匿林中發礮中年豐腹墜馬卒議卹如副將例

王康濟

何瀛龍克家

龍紹衡

黎汝諒

蔣登顯附

孫慶壽

王康濟字悔餘山西臨晉人舉順天鄉試咸豐三年大挑一等以知縣用分發廣西精遁甲風鑑諸術五年三月署荔浦縣事有政聲因事被議旋開復八年三月署賀縣事初廣東賊魁陳金剛擾掠北江五年至湖南郴州復回廣東之清遠陽山七年八月陷懷集復陷廣東之開建以懷集開建為巢穴廣東之廣甯德慶封川連山連州皆賊蹂躪賀縣與懷集開建等縣連界尤為當時要地八年正月金剛遣鄭金湯六犯賀縣蒼梧之土賊附之焚信都芙蓉鋪門官潭

廣西昭忠錄

卷三

列傳

三

等墟其近連蒼梧之山寺村楊橋洞十六寨開建之泗水尾懷集之深冲牛欄賊盡據之由連山乘間窺南鄉賀縣全境皆賊康濟與富賀營都司何瀛率拔貢生蔣登顯所統鄉團八百餘人進剿官潭鋪門一路逼賊巢數月相拒互有殺傷而開建各賊日來附益官軍力薄相持日久糧且竭康濟回城籌備賊偵知突至官軍潰遂據梅花塘七月圍縣城四面環攻潛入下關民房鑿地道藏火藥二十八日火發城東南崩賊入官軍奮力擊卻把總會純發武生蔣登庸重傷亟修城適南鄉援至人心少安八月初十日黎

明地雷火發南城崩敵樓覆壓死數人官軍抵死禦
賊不能入自賊初至卽請援師再請濟師九月朔參
將陳友勝始以二千五百人往援九月十五日啟行
至平樂而九月十二日賀縣城陷矣當事以兩次地
雷崩城而賊不能入且以殺賊爲守者功賊憤而肆
荼毒康濟被害尤慘都司何瀛典史吳敬軾教諭黎
汝諒訓導孫慶壽候選教授龍克家舉人龍紹衡拔
貢蔣登顯皆死之

吳敬軾

吳敬軾浙江仁和人由監生報捐從九品咸豐四年
選授平樂府賀縣里松司巡檢兼署賀縣典史八年
九月陳金剛陷賀縣與訓導孫慶壽同時遇害

廣西昭忠錄

卷三

列傳

三五